

Ebe ni iPolu o keke ghi egbo iFilipia Eni e miesuo

¹ Mhemhe iPolu ali iTimoti eni e e ga eyi iJesu iKirisiti anye ga khi.*

Mhemhe mhi keke ebe ona a ghi egbo ni e mie iJesu iKirisiti suo nya ni e la eke iFilipi shi eni e ri ukpeloe e khu eyi igbaa oyi eni e mie iJesu iKirisiti suo ali eni e la gho o kpaghie obo.

² Eshinęba Ita awa ali iJesu iKirisiti Onomhue e ka li okhale na e, e gbo ri opfomhe ghi e.

³ Eghęghę kpa ni mhi ro da sato e egbe ne, eri mhia kphemhi na Eshinęba. ⁴ Eghęghę kpa ni mhi ro da a so iromhi na e nya ne, eri oghęle o o la mhe udu ke so iromhi. ⁵ Irari ode ni a te nu mhe ri oni usomhi onete kia, rote ele nodode ya ramhi amo. ⁶ Mhi ro sho khi, Eshinęba ni o gba ikanya enete eke le shi agbo oye e, loli o ya nu e tsua li ramhi ele ni iJesu iKirisiti o ro ya nyene egbe bhale.

⁷ O ti ni mhi lina ke saa ingme oye e eghęghę kpa irari khi ingme oye e o la mhe udu. O kha ririe khi ighumha mhi la, okekhi ini mhia khe oni usomhi onete shi eke, ali ini mhia pfi otsele ro lama shi emini oni usomhi onete o rięle. Irari khi eri Eshinęba o ri oni afu ona ga na awa, ni awa ro gue oni usomhi onete le. ⁸ Eshinęba o khi otsele oyemhe khi igesikia mhia ngme ini mhię khi inono ekelemhi udu ona iJesu iKirisiti mhi mhue na e.

* **1:1** Li ze Ika 16.12

⁹ Iromhi ni mhia sọ na ẹ khi, inono ni a mhue ena, o ke nga sọ, rọte ilẹsingme ali ilẹsẹ udi ingme, ¹⁰ ni a rọ doḅe ke zẹ emini o ti ne. Ini a pfuase, ni a khi eni ẹa mhue umha-guekia ya ramhi ẹle ni iKirisiti o ya nyene egbe bhale. ¹¹ Ni agbo oye o vọ ingeli ipfuase ni e rọte obọ oyi iJesu iKirisiti bhale. Ni a rọ me asha ri ufumhi ali ikuẹghie na Eshinegba.

IKirisiti a la agbo o na

¹² Mena, mhia nono ni a lesẹ khi emini mhi me khi eri o kpaghie obọ ti usomhi onete je odalo. ¹³ Irarigho, ekhe-khe na agbala nya e she lesẹ khi itobọ khi mhi khi aghiusomhi oyi iKirisiti a rọ mu mhe shi owa ighumha.† ¹⁴ Ogba ighumha ni a mu mhe shi o she ri inyoghuo awa ebubu regbenga Onomhue, ni a rọ bhale ya ẹ khi e zese udu-a eghẹghẹ kpa rọ gue usomhi onete oyi Eshinegba le, ni o khia khi ulishi o mu we.

¹⁵ Egbegbo lo, khi, rọte ayemhe ubogbo ali ofuma, egbo eghuo e rọ ri iKirisiti ẹ tse abo, ama eghuo e rọte udu igesikia roli ẹ tse abo. ¹⁶ Eni e rọte udu igesikia a tse abo, ayemhe inono e rọ o ri ele o li, irari khi e lesẹ khi itobọ igho Eshinegba o rọ remhe shi akana ni mhi migha ke khe oni usomhi onete shi eke. ¹⁷ Elese e rọte udu arọ-timhena ri iKirisiti ẹ tsabo. Oa khi ode igesikia e te roli ẹ tse abo. Eri o li we egbe abine khi e kha me asha to ingme shi eke na mhe abi mhi la owa ighumha ena. ¹⁸ Abiabi e li ri iKirisiti tsabo kpa, o mhue abi o ngme. O ke khi ode egholi o, o khi egbegbi ode oo, mhi mema ya ke ghele shi o.

† **1:13** Li zẹ Ika 28.30

Igho lo e, mhi mema ya ke ghele shi o. ¹⁹ Itobo khi mhi lese khi rote iromhi ni a so, ali ikpaghiobo ni o rote Ayemhe oyi iJesu iKirisiti bhale, a ya rue mhe elemhi owa ighumha ona lasele. ²⁰ Mhi ma to eloe eke, mhi gbo mhuē irudushi o khi, mhi aa ya tigbe ze ni akanya oyemhe o ba mhe ku. Ama eghēghē kpa ali memena mhi ya ri igbedu ke ngme ni mhi ke ri ufumhi ghi iKirisiti rote angeli oyemhe, mhi la agbo oo, okekhi ini mhi ghua. ²¹ Irari ini e oyemhe, agbo ni mhi la, iKirisiti mhi la o na. Mhi kha ghua, eleli o khi na mhe. ²² Ama ini mhi kie la agbo a le, mhi kha kie mhōli ikanya enete ni mhi kha gbe na iKirisiti. Ama onoghuo o, mhi kha ze mena? Mhi aa lese e! ²³ Udu o ze mhe eva, mhi aa lese oni mhi ya ze o. Mhi ga nono ni mhi deba iKirisiti ni mhi lase agbo le. Ona o ga ti mhe egbe ne. ²⁴ Ama itobo oye e, o ti ni mhi la agbo. ²⁵ Mhi lama shi ona, mhi lese khi mhi ya la agbo. Mhi ya nu ee nya la agbo ni a ke je odalo, ali ni a mhōli oghēle ni o la irudunga. ²⁶ Ni a ro bhale ya e khi ini mhi nyene egbe bhale gbo nu e la, a ya me asha ke titi egbe irari oyemhe, rote elemhi agbo oye e ni o kuma iJesu iKirisiti o.

²⁷ Abibi o rie li, ke ngeli abi ungmehi oyi iKirisiti o ngme. Ni a ro bhale ya e khi, mhi bhale ya me e o, okekhi eri mhi su o eko e o, mhi ke lese khi a kie migha egbegbo elemhi ayemhe oghuo. A khōli okhue usomhi onete elemhi ikudugbe abi ogho oghuo. ²⁸ A khi ze ni ulishi ebe e o mu e, ona o ya re we lese khi a ya mhuē eleli, ama wewe e ya pfua, irari khi Eshinegba lōli o ri imu o na e. ²⁹ Irari khi a she ri eghēghē na e ni a ro ga iKirisiti, ni o a khi irari khi a lese ya miesu o tse, ama ni a ro li ya

mẹ osue na li. ³⁰ Memena, a li kuma mhe ọ shi oni okhọli. Oni a mẹ khi mhii khọli egheghe ni o dọse, ni mhi kiele ẹ khọli memena.†

2

A ke khonya iregbe-tiemhie onabi oyi iJesu

¹ Agbọ oyeẹ ni o kugbe iKirisiti ọ, o zẹ ni a rọ toto. Inono ni ọ mhue na ẹ o ri udu shi ẹ ọ. Eẹ ali Ayemhe oyọli a mhue ikugbe. A gbo mhue isomhelemhi ali ilelemhi na egbe ẹ. ² Irarigho, mhia nono ni a remhe ke ghele shi abi a mhue isamhi eghuo, ni a riele inono na egbe, a gbo khili oghuo elemhi ayemhe ali udu. ³ A khi ri ayemhe a ba timhe nga ali ni a ba mẹ asha ke tonon obọ udu, riele emhikhoghuo. Ama a nyese ukhomhi na egbe. A bino khi ogbose ọ somhi dọse ẹ. ⁴ A nono onete oyi egbe ẹ, ọa khi onete oyi yeyeghuo tse.

⁵ Mhue angeli nabi iJesu iKirisiti ọ mhue.

⁶ Abi o rie khia khi

eri iKirisiti ọ li abi Eshinegba.

Ọa tigbe sa li khi

otu loli ali Eshinegba e khi.

⁷ Ochoghọ, eri ọ rọte udu oyọli

rue emini ọ mhue nya obọ-a,

ọ mele oni ọọ ga ogbọ-a.

Ọ mele ogbọ-a,

ọ ri ẹkuẹ ogbọ ku egbe bhale.

⁸ Ọ ri egbọli tiemhile,

ọ kia okiali issuesọ

ya ramhi ni ọ rọ ghua, ikhi eghuli oyọli na apfida.

† **1:30** Li zẹ Ika 16.19-40

9 Itobọ ona, Eshinẹgba ọ yase ọli
 nga obini o yagha ne nya.
 Ọ ri eva ni o fu doṣe eva nya nali,
 10 ni a rọ bhale ya ẹ khi
 ashiashini a da la
 lu eva oyi iJesu ne,
 ikhomhẹgbhẹ nya e nyese
 ghe emhi nya ni e la idane
 ali eni e la eke, ali eni e la elemhi eke,
 11 emhi nya e ya pfi ọtsele
 khi iJesu iKirisiti ọ khi Ọnọmhuẹ,
 ni a rọ ri ufumhi
 na Eshinẹgba Ita.*

12 Itobọ igho, emole mhe, abi a liẹ sueso ukpele
 oyemhe a gbo ligho ke sueso odukhokho oyemhe. A
 ri ulishi ali ikpheli ke gbe ikanya, ni irudunga oye
 o gba pfo. 13 Itobọ khi eghẹghẹ kpa Eshinẹgba ọ rọ
 la ẹ egbe ẹ gbe akanya ni ọ re ẹ mhue oghuemhe,
 ni a gbo dobe ke riẹle emini o de shi omhese onete
 oyoli.

14 A khi ri awọlo we ekhako riẹle emhikhoghwo.

15 Ni a khi egbo ni ẹa mhue umhaguekia, ni e pfuase
 abi imi Eshinẹgba ni e gba pfo, elemhi agbo ni egbo
 ali ena ikanya ichimhi e la. A mema la we iteva
 ke ge abi ikpetata ni e la idane,† 16 abi a liẹ gue
 ungmehi agbo ke ye we. Ini a li gho, mhi ya me
 asha ke re ẹ titi egbe ele ni iKirisiti ọ ya nyene egbe
 bhale. Irari khi eri ona o ya rokhasẹ khi irosheka ni
 mhi roshi ali ikanya ni mhi gbe, ẹa khi afue.

17 Ini a tseku ku ọlia eyemhe abi onyo shi ilu-
 asobo ali ikanya enete ni o rote irudunga oye

* 2:11 Li ze Aza 45.23 † 2:15 Li ze iDeut 32.5

lasele, eri egbe e mu mhe shi o, mhi nu e ghele.
 18 Irarigho, egbe e li ke mu e, a li nu mhe ke ghele.

ITimoti ali Epafuroditusi

19 Ini o ghole Eshinegba, mhi khokho khi mhi ya dobe kele ghie iTimoti ghi e. Ni mhi ro suo eko e, ni mhi mhue oghela ini o jele. 20 Lolighuo kpe o lese abi o li mhe egbe, ni ingme oye e o gbo mu egbe. 21 Egb o eni e kpo le nya, eleli oyewe e na khu, ama o a khi eleli oyi iJesu iKirisiti. 22 Ama, ee, a lese abi iTimoti o li ri egbo li khas e e abi o la o shi. Abi mhemhe ali lue anye li kugbe gbe akanya oyi usomhi onete oyi Eshinegba abi ita ali om o ee li. 23 Mhi ya kele ghie o li ghi e ini mhi da lese abi o ya li mhe egbe. 24 Mhi ri egbe da Onomhue khi mhi ya kele bhale.

25 Mhi kie gbo li khokho khi o ti ni mhi ghie inyoghuo awa ghi e, ikhi Epafuroditusi ni o she gbe akanya deba mhe, ni o she gbo nu mhe gbe akanya ode-khode. Ni o gbo khi aghiusomhi oye e ni o o kpaghie mhe ob o. 26 Egbe ee kphakpha li ni o ro me e. Egbe e a ke sheshe o li itob o khi a suo khi o o ghua. 27 Egbegbo lo, o o ghua gba, ukuku o kpo li eghuli le. Ama Eshinegba o mhue ilelemhi na li. O a khi lolighuo Eshinegba o mhue ilelemhi na tse, o li mhue na mhe, o tsumhi mhe elemhi osue ni o tonga osoli. 28 Mhemhe egbe ee kphakpha ne ni mhi ro ghie o li ghi e. Ni a gbo mhue oghela ini a me o li, ni osoli oyemhe o kelea. 29 A ri oghela kpe ab o mie o li abi inyoghuo na elemhi oni irudunga. A mu ekpe nofun e na egbo nya nabi lo li. 30 Itob o khi o ri agbo oy o li shi okhena, ukuku o kpo le suii ni o kha

rọ ghu-a shi akanya oyi iKirisiti, ini ọ mẹ asha ri ikpaghiobo na mhe ni eẹ aa dobe rona mhe.

3

Angeli ni o migha shi ipfuase

¹ Ni mhi rọ gbe ọli ukhomhi, inyoghuo, a ke ghele shi abi a li kuma Onomhue ọ. Oa mhue abi o ngme mhe ini mhi riele emini mhi kpe keke ghi e gbo keke, lolu o ya ti e egbe ne.

² A mu egbe e shi egbo egho ni e li abi ewa, ni eẹ gbe ikanya ebe. Ikhi eni e lie khi ogbo mema shele-a neni imiepfuese oyoli o gba pfo. ³ Anye ena, a shele egbegbi ishele-a, irari khi anye te ode ayemhe e ga Eshinegba. Anye mholi oghere shi elemhi agbo oyi anye khi anye kuma iJesu iKirisiti ọ, ni anye ea ri egbe da ikanya idiegbe. ⁴ Ama mhemhe mhii kha ri egbe da ikanya idiegbe eghoghọ ne.

Ini aa nono ogbo ni ọ kha regbeda ikanya idiegbe eghoghọ lo, mhemhe o kha khi. ⁵ Irari khi ele-nuzi-elele ni a rọ bia mhe, a rọ shele mhe-a. Oni iZireni a bia mhe, mhi rote unuekpe oyi iBejami lasele, egbegbi oni Iburu. Ini eẹ, iri ushi oyi egbo iJu gbe akanya, iFarisi mhi khi.* ⁶ Mhi mhue omuegbe ramhi ni mhi rọ mu okholi vule shi igbaa oyi eni e mie iJesu iKirisiti suo ọ. Ini eẹ abi ogbo ọ lie pfuase, ode irushi-gbe akanya, mhi aa mhue ashini o kpo mhe shi.†

⁷ Ama emhi eghoghọ ni mhi kha leli shi eleli, mhi rewe shi afue, itobo oyi iKirisiti. ⁸ Oa khi egho tse, mhi lama emhikpa o limhe opfu-a, itobo ufumhi

* **3:5** Li ze Ika 23.6; 26.5; iRom 11.1 † **3:6** Li ze Ika 8.3; 22.4; 26.9-11

ni o la ilẹṣẹ ni mhi lẹṣẹ iJesu iKirisiti Onomhufe oyemhe. Itobo oyoli mhi ro tsua emhi nya kua. Eri mhi ga bino we shi iku, ni mhi me asha mhufe iKirisiti, ⁹ ali ni mhi ga toma li o pfo. Mhi aa ke mhufe angeli no migha shi ipfuase oyemhe, angeli ipfuase onabi mhi ri itobo khi mhi ri ushi e gbe akanya mholi. Ama angeli ni o migha shi ipfuase ni a rote irudunga oyi iKirisiti ro na mhe mhi ke mholi memena, angeli ipfuase ni o rote obo oyi Eshinẹgba bhale, ni o rote irudunga bhale. ¹⁰ Emini mhia nono ni mhi lolo lẹṣẹ khi iKirisiti ali ekpabo ni o rote eghuli guise oli le. Ni mhi ro nu oli me osoli ni o me, ni mhi nu oli ghu eghuli onabi o ghu. ¹¹ Itobo khi mhi mholi oli shi udu khi a ya li rote eghuli guise mhe le.

Roshẹka na ya ramhi ukpese elemhi irudunga

¹² Mhi a lie khi mhi she ramhi ashini mhia nono ni mhi ramhi ne, wekhi eri mhi she gba pfo. Ama eri mhi roshẹka ni mhi li abi iKirisiti. Onana o ze khi iKirisiti o pfi obo rue mhe. ¹³ Igesikia, inyoghuo, mhi aa bino egbemhe shi oni o she lo owa ne. Emhi oghuo ni mhia li, khi, ni mhi ro rue eloe emini e je ikhokho a, ni mhi roshẹka ri obo ramhi emini e la odalo. ¹⁴ Irarigho, eri mhi na le talala, ni mhi ro mhufe ifata, ni o khi ulumhi ni Eshinẹgba o lu mhe, rote iJesu iKirisiti je agbo ni o la iloghie.

¹⁵ Awa nya ni awa mholi iwomhelo shi elemhi ayemhe, awa li mhufe udu onana. Ama ini eghuo elemhi e, e mhufe udu oda shi ingme onana, Eshinẹgba o ya roli khasẹ e. ¹⁶ Abibi o ya li, awa ke je odalo shi ushi oghuo ni awa deba ramhi ana.

17 A ke khonya mhe inyoghuo. A ri esọ shi egbo ni e deba oni ode onete ni anye ro shi eke na e.†
 18 Mhi she kpe gueye e ne, mhi gbolo ri evie shi alo a gueye e memena, khi egbo eghuo e la no khia khi uwali agbo ni e la, o she re we khi obe oyi eghuli ni iKirisiti o ghu shi apfida. 19 Owa ere e e je, irari khi oghuemhe idiegbe oyewe o khi olitsa oyewe. Eri ee titi egbe shi emini e kha ro shi omama. Usamhi emhi agbo ona e lese e sa. 20 Ama awa, udiokute oyawa o la iloghie, awa lolo ri alo shi eke ke khe Omiepfuese ikhi iJesu iKirisiti ni o rote iloghie jele. 21 O ya ooghi idiegbe oyawa ona ni oo ghu, o ri idiegbe oyi ufumhi onabi oyoli to-eloli oli. Itoto ogho ni o ro dobe ri emhikpa bhale omhese oyoli o ro ya riele we.

4

Ungmemhi irudusho

1 Itobo igho, inyoghuo, ingme oyee oo mu mhe egbe gba. Eloli e, o she nga mhe. A ma ri egbe a mu mhe, mhi gbo re e titi egbe, igho o ti ni a kha li migha agbo oyee na Onomhue.

2 Mhi lema Euodia ali iSitaiki, a kpekpe a lama na egbe abi inyoghuo ni e mie Onomhue suo. 3 Ali yeye onuzava oyemhe, iSizigusi, kpaghie eni ikpotso ena obọ irari khi e she nu mhe me osue shi itsabo usomhi onete ona kia kia. Ghe iKilemeti ali eni anye ga gbe akanya kugbe ali elese nekpole, eni eva oyewe o la ebe ni a keke eva oyi eni e ya mholi agbo na agboagbo.

† 3:17 Li ze 1 iKori 4.16; 11.1

⁴ Eshinegba o zẹ ni a ke mholi oghẹlẹ egheghe kpa irari khi a kugbe Onomhue ọ. Mhi gbolo ẹ i, a ke ghele! ⁵ Zẹ ni ogbokpa ọ ke me igue riele emhi shi egheghe oye gboo. Irari khi Onomhue ọ kele ya bhale.

⁶ A khi zẹ ni emhikhoghwo o mu ẹ egbe dose. Ama, emhikpa, a ri udu ikphemhi ke so iromhi mhila Eshinegba emini u wa nono. ⁷ Ni opfomhe oyi Eshinegba ni o dose ilese oyi ogbo nya, o ri igbe udu ali ayemhe ni o migha na ẹ, irari ikugbe ni a kugbe iJesu iKirisiti ọ.

⁸ Ni mhi ro gbe ọli ukhomhi i, inyoghwo-mhe, a zẹ ni isamhi eminete ni a kuẹghie ogbo ọ shi e vo ẹ udu, li shi emini e khi egbegbo, ni e mu eloe, ni e rote ode ipfuase bhale, ni e khi eyi inono, ni a mu ekpe shi. ⁹ A ri emini a wena obọ oyemhe ali eni a mie obọ oyemhe, okekhi eni a me agbo oyemhe ke gbe akanya. Shi eni mhi ri unu ngme ali eni mhi riele. Eshinegba ni ọ ri opfomhe ẹ na ogbo ọ ya nu ẹ la.

IPolu ọ tse obode shi isomhopfa

¹⁰ Abi ogbo ni ọ mie Onomhue suo, egbe ma mu mhe shi ọ gba, khi, abi o tseku tese, khi a kie gbo me asha ri inono ni a mhuẹ na mhe khasẹ mhe. Oa ke khia khi eri mhi ri ona lie khi aa ke kpe ri eloe e khu mhe, ama eri aa ke kpe me asha kpaghie mhe obọ. ¹¹ Oa khi eri mhia ngme ona irari khi o limhe egbe abine khi a pfi mhe esọ-a, itobọ khi abi oni mhi mhuẹ o lie khuese mhe o she ma mhe-a. ¹² Mhi lese abi ọọ li egbe ini ogbo ọ la umhamẹ ali abi ọọ li ini ogbo ọ la osuemhe. Mhi she wena osheli ona ni a ro bhale ya ẹ khi oni mhi mhuẹ o bu mhe.

Obiobini o khi oo, ashiashini o khi oo, mhi le khue oo, o ke khia khi okiamhi oṣo gbe mhe. ¹³ Mhi doṣe rieṣe emhikpa roṣe itoto ni iKirisiti o ro na mhe.

¹⁴ A ma khale, abi a li kpaghie mhe oṣo abi mhi ro la omunu. ¹⁵ Ee egbo iFilipi, a lese khi abi mhi ro roṣe eke iMasidonia vu, ni mhi ro lese gba akanya itsabo usomhi onete le, eeghuo kpe a khi eni e miesuo ni e kpaghie mhe oṣo elemhi irona ali imemie. ¹⁶ Oa khi utoghuo tse, a kpaghie mhe obini eke iTesalonika abi mhi ro nono ikpaghiobo. *† ¹⁷ Oa khia khi isomhopfa mhi lese nono, ama emini a ya keke shi eku e oye na iloghie mhia nono. ¹⁸ A she fali mhe ota gba pfo, e gbo gba nga o. A she ri itsua ghi mhe ni e vo mhe eke, abi mhi ro mie Epafuroditusi emini a rona li ghi mhe ena, eri e li abi irona ni ee kphela, ikhi iluasobo ni a mie, ni e ti Eshinegba eloe. † ¹⁹ Eshinegba oyemhe o ya ri emini e ghole e nya na e. Epfue ni o fune ni o la iJesu iKirisiti onayi oli o te ya rieṣe oli.

²⁰ Ufumhi o khi oyi Eshinegba Ita awa ya ramhi ele ni agboagbo, Atse!

Otse ni o kpukhokho

²¹ Mhia tse ogbokpa ni o khi Omi Eshinegba ni o khi oyi iJesu iKirisiti. Inyoghuo nya ni e nu mhe la ana ee tse e. ²² Egbo eyi Eshinegba ni e la ana nya ee tse e, ghe eni e la agbala oyi iSiza.

²³ Okhale oyi iJesu iKirisiti Onomhue o ka nu ayemhe oye e la. Atse.

* **4:16** Li ze Ika 17.1 † **4:16** Li ze 2 iKori 11.9 ‡ **4:18** Li ze Okiali 29.18

Ebe-No-Pfuasẹ Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

03be06b0-68fd-500b-b9a9-6bca4b63979a